

MWE NKASHI SHANDI CHENJELENI!



Mwiba aba ku konkapo mu ku bepwa kuli:

Ba Kasesema wa Bufi! Abatumwa wa Bufi! Ba Shimapepo wa Bufi!

Mwe nkashi shandi ndefwaya ukuti mucenjele naba kasesema wa bufi, abatumwa ba bufi, naba kachema wa bufi abaita ukuti “babomfi ba kwa Lesa” lelo babomfi bakwa shetani, Satana.

Mwe ba munyine, ndefwaya ukuti mwi kaponena muku bepwa kuli bakasesema wa bufi, ku batumwa ba bufi, na kuli bakachema wa bufi abaita ukuti “babomfi ba kwa Lesa” no kulabomfya ulukuta lwa kwa Lesa ngo mwa kupokela indalama Ukufuma ku bantu no kulabomfya bana mayo na ba kashana abashishiba amapange yabi ayo aba bantu ba bu bifi bakwata.

- 1** Konse uko mwingaya, uko aba babomfi ba bubifi basangwa, babomfya inshila shimo shine.
 - Ica kumwenako ica kubalilapo cakutila balafwaya ukuti iwe ubatetekele umupwilapo ukuti “babomfi bakwa Lesa”.
 - Kanshi kuti balakulanga ukuti niwe bacetekela ukuchila abanobe abashala bonse.
 - Ilyo baishiba ifingi pali iwe, elyo bakakweba pa chisungusho ico benga kucitila icingapwisha ubwafya bobo ukupitila mu cimonwa “Lesabebele” pali iwe pa mulandu wa cintu cilekucusha sana mu mweo obe.
 - Elyo nomba baka kulomba ukuti ulepepa fye nabo beka mu bu mfulu ukwabula abantu bambi.
- 2** Ilingi line Ica bubili icikonkopo cakutila aba babomfi ba bufi bakafwaya ukulakwata nabo amapepo aya kuti mube fye babili nabo. Balafwaya ukucita ifi pakuti mu ba beleshe, elyo nga mwa beleshanya mwa lasulako kufyo muisunga no kuti “tapali cakutina”. **Ilyo bamona ukuti nomba waba belesha tapali na cakutina, elyo nomba bakafwaya ukuti mulale nabo, bakakubepa nokuti “cili fye bwino pantu Lesa Eumipele isho sambu no butungwa bwakupela ku muntu wa kwa Lesa ukupitila mu busokololo bwa cebo ca kwishiba ico bakwata beka fye”.** Mwe nkashi shandi, ndefwaya mwishibe ukuti ici te chitemwiko nakalya, bufi fye! Lesa takatale Apela umubomfi wakwe ukutoba amafunde Yakwe ayatambalala!
- 3** Mwe nkashi shandi, icintu ca butatu ndefwaya mwishibe cakuti ilyo aba ba pompwe bakapwisha ukumibomfya no ku milufya mu buwelewele, baka misula noku mibika pa mbali pantu nomba ninshi ba fwaya umbi uwakubepa fintu babepole imwe. Iwe bakamisoka nokumitinya ukuti tamufwile kwebako umuntu umbi nelyo umo.

Aba bantu ba bufi baka mupela malembo ya mu Malumbo 105:15 ayo bafisaminamo pa micitile yabo iyabubifi ukuti pantu bena “babomfi bakwa Lesa” tamufwile mwabacitila icibi pali bene!

Lelo we nkashi yandi, *belengeni ili lembo mu nshila balilembelemo!*

Lelo ili lembo lilanda pa fyo Lesa Akalipile aba mitundu imbi nga Abimelech mu Kutendaka 26 na Farao mu Ukufuma 10, abo balecusha umutundu wa bena Israeli. Kanshi ili lembo tali lelenda ukuti teti twipushe nangu ukukana imicitile no bufundisho bwa bufi Ukufuma kuli ba kasambilisha wa bufi nangu uyo onse uwingafwaya ukukutwala mukubembuka. Baibo itweba ukuti tubeshibe noku bakana bakasambilisha wa bufi (2 Petro 2:1–3).

Kanshi ngo muntu aitunga ukuba “uwasubwa wakwa Lesa” elyo nomba alafwaya ukukutwala mu bulalelele, **mubutukeni!**

IBUKISHENI:

Takuli Kasesema, nangu umutumwa, nangu kachema wacine uwakwata amaka ukuchila pa malembo ya Mushilo. Paficitike kuli imwe na bena pantu icabipisha cikamucitikila.

- Icebo cakwa Lesa cifwaya intungulushi mu lukuta ukuba bakachema abakusunga bwino no ku lachingilila bwino impaanga sha kwa Lesa, tekuba imimbulu ishibomfya noko naula imbelele. Umutumwa Paulo akonkomeshe abakalamba balukuta ukuti “muleisunga bwino, mulesunga no mukuni onse Mupashi Wa Mushilo Amupela ukwangalila. Mube bakachema ba lukuta lwa kwa Lesa ulo umwine Ainonkela no Mulopa wakwe” (Imilimo 20:28).
- Umutumwa Paulo aebele Timote uwali umukalamba wa lukuta ukuti afwile “alelanda nabanakashi abacikashana no mutima wakaele kwati alelanda naba nkashi Yakwe” (1 Timote 5:2b).
- Pambi napo, umutumwa Paulo, acenjeshe abatetekela bonse ukuti “tatufwile ukuba abaice mu mano abasendwa na matamba uku no ku, abasendwa no mwela konse uko wa pungila, emukutula basendwa namafunde ya nchenjeshi sha bantu abongola abantu nokubatwala mu cilubo ku mano yabo ayabucenjeshi” (Efeso 4:14).
- Kanshi ukucenjeshi kwa kwa Lesa mu malembo yakwe ni ku ku tucingilila.

UMFWIKISHA AYA MALEMBO NOKU YABOMFYA MU MWEEO OBE.

- “Mulepima nangu mulelingulula ifintu fyonse, mulesungapo nangu ukwikatisha ifisuma. Muletaluka ku misango yonse iyibi” (1 Tesa. 5:21–22). **Aya malembo yaletweba ifyo tufwile ukulapima imbila sha abo abayeba ukuti balelandilako Lesa.**
- “Mwe batemwikwa bandi, mwilasumina bonse abatila baliba na Mupashi, lelo mulebala mwa beshi pa kumona imipashi ba ba nayo nga yafuma kuli Lesa. Pantu bakasesema ba bufi balisanganina mu calo conse” (1 Yohane 4:1). **Bakasesema ba bufi bengi, kanshi tufwile ukweshi kasesema onse uulelanda no ku sambilisha ifipuseneko kufyo Lesa Atufunda kale mu cebo cakwe, Baibo.**
- “Uku eku fwaya kwa kwa Lesa ukuti mube aba Mushilo, aba taluka na ku fya bulalalale”, (1 Tesa. 4:3–4). **Takuli umuntu wakwa Lesa uwacine ukafwaya ukutwala imwe mu lubembu!** (Belengeni aba Hebere 13:4 elyo namu 1 Korinto 6:18–20).
- Mwe nkashi shandi cenjeleni kuli bakasesema babufi abesa kuli imwe nabanakilila nge mpaanga, lelo mu mitima yabo mimbulu iyikali! te muntu onse uutila “Shikulu, Shikulu” uukengila mu bufumu bwa ku mulu, kano fye uyo uucita ubwafwayo bwa kwa Tata uwa mu mulu” (Mateyo 7:15). Ilyo ubushiku bulya bukafika, abengi bakalenjeba abati “we Mfumu, we Mfumu! Bushe tekumaka yobe twalesesemena kabili bushe te mwishina lyobe twalentamfisha imipashi yakowela, kabili bushe tekumaka yobe twalecitila ifipeshamano ifingi? Elyo naine nkabebelapofye nati, ine nshamwishiba kanshi fumeni apa mwe babi ba bantu mwe!” (Mateyo 7:21–23). **Yesu Kristu atweba ukuti tuleba abailuka ukuti tebonse abalanda ukuti balikwata amaka yakucita ifisungusho mwi shina lyakwe abali ba bomfi bakwe mu chi shinka!**

**NGA CAKUTI MWALICENWA KU BANTU
BA BU BIFI PALI IFI TWALANSHANYA,
FWAYENI UBWAFWILISHO!**



CFAR Southern Africa Outreach
Tel. +260 975 960 985 • +260 960 777 361
Email: cfar.kennedy@gmail.com